



SESOTHO - Only one way to God

TSELA E 'NGOE FEELA E EANG LEHOLIMONG

“Ke 'na tsela le 'Nete le Bophelo, ha ho motho ea ka eang ho Ntate ha e se ka 'na.” *Johanne 14:6*. Ke litsela tse ngata tse lumeletsoeng batho ke baruti ba bohata ba lithuto tse fapaneng matsatsing ana a mats'oenyeho, tseo ka tsona qetellong ba ka fihlang ho Molimo. Bohareng ba phe-rekano ena eohle ke ntho e khathollang le e ntle ho utloa ka Molopolli oa rona ea makatsang e leng Morena Jesu Kreste ea reng: “Ke 'na Tsela.”

Haeba nako e kile ea e-ba teng e re hlokanang ho mamela ho ea itseng “O buile ho feta kamoo motho a buileng” ho bonahala nako eo e le eona ena. Mohlomong ha ho ea ka hanang hore re bohareng ba nako ea mats'oenyeho eo lefats'e le kileng la e-ba le eona, empa ha Jesu a ne a bua mantsoe ana a makatsang pele, nako tseo e ne e se e ntse e le tsa mats'oenyeho. Ho ne ho e-na le borapeli bo boholo le litloaelo tsa meetlo, li ne li



rutoa, empa 'nete e ne e fokola haholo ho tsona. Jesu o ile a re ho Bafarisi (sehlopha se itseng sa borapeli) "Ba khumamela lefeela, ha ba ruta lithuto tseo e leng melao ea batho." *Mattheu 15:9.*

Ha ho pelaelo, ho na le ba bangata haholo lefats'eng lena le ferekaneng le tsokotsehang la kajeno bao joaloka Thomase ba ntseng ba botsa potso e reng, "Tsela re ka e tseba joang?" Mohlomong ba ke ke ba botsa ka lentsoe le utloahalang, empa potso e ntse e hlaha lipelong tse ts'oenyehileng tse ts'oanang le eona ena. Ntho e 'ngoe feela eo ke e tsebang, e neng e atisa ho hlaha pelong ea ka le monahanong oa ka, empa ke leboha Molimo hobane joale ha e sa hlaha hobane ha Jesu a re: "Ke 'na tsela" hoo ke ho ntekaneng.

Ho tloha ha batho ba lahleha ka tsela e Adama, batho esale ba lothotha ba rera litsela tseo ba ka khutlelang ho Molimo ka tsona. Ba bang le kajeno ba ntse ba latola hore motho o kile a lahleha. Ba re joaleka ngoana ha a hlaha lefats'eng a hloekile, ke taba feela ea hore a boloke bohloeki boo. Joale ba leke ka litsela tsa bona ho etsa joalo. Ba hopola hore ha feela ba ka tlisa ngoana kerekeng e ba ba mo ruta hantle, le hore ha a fihla lilemong tse itseng a amohela e le setho sa kereke, ba re hamorao Molimo o tla mo nkela leholimong. Ka tsela eo re utloa lipuo tse ngata ka ho ruta batho ba bacha, empa re utloa hanyenyane haholo ka taba ea hore e ka khona batho ba bacha ba tsoaloe la bobeli.

Ho ea utloahala, ke ntho ea tlholeho ho motho hore a ka itukisetsa tsela e eang ho Molimo. Ha Adama le mosali oa hae ba siteloa Molimo serapeng sa Edene ba ile ba phathahana ba leka ho ikapesa hore ba pate bofeela ba bona. Ba ile ba baleha ho Molimo ba ipata har'a lifate tsa serapa, kamor'a hore Adama a etse sebe, sebakeng sa ho batla Jehova, e leng eena eo a mo sitetsoeng, oa mo balehela. Ho ne ho sala tsela e le 'ngoe feela eo Adama a neng a ka khutlela ho Molimo ka eona a lokele ho ema moo Molimo o leng teng. Molimo oa nka bohato ba pele joaleka ha kamehla o etsa. O ile oa talima 'me oa bitsa Adama, oa mo fumana a ipatile har'a lifate. "Jehova Molimo a etsetsa Adama le mosali oa hae likobo tsa matlalo, 'me a ba apesa tsona." *Genesa 3:21.*

Hlokomela hore Jehova ke eena ea ileng a batla, a fumana 'me a apesa. O ile a ba batla, a ba etsetsa liaparo a ba apesa. Ka tsela ena re ka bona tokiso ea Molimo sebakeng sa moetsalibe oa batho ea molato ea lokeloang ke lihele.

Jesu Krete ke Konyana ea Molimo. Molimo ke oona o mo tlisitseng. Ke Molimo o ileng oa mo romela lefats'eng. Molimo ke oona o ileng oa beha libe tsohle tsa rona (e se tse ling tsa tsona, empa kaofela ha tsona) holim'a Konyana ena ea Hae. "Ka 'nete, o ipeletse maloetse a rona, o nkile mahlomola a rona; empa rona re lekantse hoba ke ea lauoang. Athe o hlabetsoe libe tsa rona, a tekoe ka baka la makhopo a rona, kotlo e re tlisetsang khotso e mo oetse holimo, 'me re pholosa ke mapeba a Hae. Bohle re ne re lahlele

joale ka linku, re ne re ea e mong le e mong ka tsela ea hae empa Jehova o mo jarisitse makhopo ohle a rona." *Esaia 53:4-6.*

Ka nako tse ling re utloa polelo e reng motho o ile a lahleha ka Adama empa a khutla ka Krete, empa haeba re ka ellelloa hantle Lengolo le re, "Hobane le eena Krete o na a utloisoe bohloko hang ka baka la libe; eena ea lokileng o bolaetsoe ba khopo, hore a tsebe hore tlisa ho Molimo; o shoelle ka 'ngeng ea nama, empa o phelisitsoe ka 'ngeng ea moea." *I Petrose 3:18.*

Ka sebele ho na le tsela e le 'ngoe feela e eang ho Molimo 'me tsela eo ha e amane le mokhoa oa melao le ha e le ka litaelo kapa mokhoa oa boitsoaro empa ke ea bophelo ba khanya ea Motho ea ileng a theoha leholimong, a emoloe ka moea o Halalelang. O ile a phela bophelo boo e neng e le bo hlokaneng sebe ho hang, e ka sitana le ba neng ba mo hloile ka ho fetisisa ba sitiloe ho fumana molato leha o le mong ho eena. Esitana le Judase ea ileng a mo eka, o boletse hore o ekile mali a se nang molato. *Mattheu 27:4.* Ka tsela ena rea bona hore ea se nang molato ea utloileng bohloko sebakeng sa ba molato, o tlisa melato ho Molimo, ebe o emisa motho ka ho nepahala ho Molimo. "Ruri motho e mong le e mong ea leng teng ke mofehelo feela" *Lipesalema 39:5.* Hona ke polelo ea 'nete ea lona. Ho loka ha rona, le tsohle tseo re li etsang ha li na thuso, seo a se batlang feela ho rona ke hore rehlokomele bohloki ba rona boo re mo hlokanang ka bona le kamoo re hlokanang matla a Hae a pholosang.

Batho ba phelang hantle ha ba hloke ngaka, ho joalo le ho batho ba reng ba lokile ka bo bona, ba hopola hore ha ba hloke Molopolli, empa Molimo o itse: "Ho loka ha rona kaofela ho ts'oana le kobo e litsila haholo" *Esaia 64:6.* E tla ba ntho e molemo ho feta likobo tse litsila ha re ka iketsa hore re lokele ho ema kapele ho Molimo. Ke ntho e tla nka ho loka ha sebele ha re e fumana ho Jesu Krete. "Me ke ka oona lona le leng ho Jesu Krete, ea entsoeng ke Molimo bohlele ba rona, le ho loka ha rona, le khalalelo ea rona le topollo ea rona" *I Ba-Kor. 1:30.* Molimo o mo entse sebe ka baka la rona (ba lumelang ho eena) re tle re beoe ke eena ba lokileng pel'a Molimo" *2 Ba-Kor. 5:21.* Libe tsa rona li ema mahareng a rona le Molimo empa Jesu Krete o ile a utloisoa bohloko e le kotlo ea batho ba bang 'meleng oa Hae, sefapanong ka ketso eo a khotsofatsa Molimo ka libe tsa rona. O phela kamehla e sa feleng 'me ka baka leo, o na le hona ho pholosa ka ho tla ba tlang ho Molimo ka Eena. *Ba-Heberu 7:25.*

"Jesu ke paki e ts'epehang." *Ts'enolo 1:5.* 'me o ts'episitse hore a ke ke a lahla ea tlang ho Eena, *Johanne 6:37.* Ho tla ho Eena ke ho bolela feela ho baka bophelong ba hao bo tletseng sebe e be u kopa Molimo ho u tsoarela le ho u hloekisa maling a Hae a bohlokoa, hore u furalle lefats'e le menyaka ea lona u nehelane ka bophelo ba hao ka ho tla ho Molimo e be u phelela Molimo. Ha u se u amohetse Morena le ts'oarello ea Hae

o tla u fa khotso ea Hae le thabo 'me u ke ke ua lapela lintho tsa lefats'e lena.

Ruri ho na le tsela e le 'ngoe feela e eang ho Molimo, mobali, na u ka utloa Morena Jesu Kreste ha a re, "Ke 'na Tsela" Khumama fats'e hona joale e be u bua le Eena u mo bolella ka bophelo ba hao, u mo bolelle hore u soabile, mo kope ho u ts'oarella, a be mosa ho uena, moetsalibe, a u hloekise maling a Hae a bohlokoa, a u etse ngon'a Hae 'me a u fe bophelo bo sa feleng. O ts'episitse hore o tla etsa joalo, ka tsela eo mo lumele 'me u phahame ka tumelo e tletseng pelong ea hao hore o u utloile 'me u se hlole u etsa sebe, 'me ha u fumana hore ua fokola, kopa Morena Jesu ho u fa matla a u nehe ho hlola sebe. Ikemisetse u arohane le lintho tsa lefatse, 'me u tla fumana hore ha a na ho u fa khotso feela le thabo e leng tseo lefats'e le ke keng la u fa tsona, empa u tla fumana le monyaka ha u ntse u sebeletsa Molimo e leng hore ha u na ho lahla feela menyaka ea lefatse lena, hobane lintho tsa lefatse lena ke tsa motsots'oana feela e be lia feta, empa hoo Molimo a u fang hona ho hlola ka ho sa feleng.

Retelehela joale ho Eena eo e leng Tsela, le 'Nete le Bophelo.

MOTHETSI

Satane o ile a qhekella Adama le Eva ka ho ba thetsa sebeng sebakeng sa 'nete. O ile a ba tsepisa seo e seng sa hae 'me a ba fa masoabi bakeng sa thabo, a ba fa lefu sebakeng sa bophelo.

HO LOKA HA BOHATA

Satane o tla u fa ho loka ha bohata, liaparo tse lits'ila tsa ho loka ha hao sebakeng sa ho loka ha Jesu hoo re ho fumanang ka tumelo ho Kesu Kreste. Seaparo se sesoebu ba lehloa sa ho loka ha Jesu se hlatsoitsoeng maling a Konyana o tla se tlosa ho uena hobane se fumanoa feela ka pako ea 'nete le ka tumelo e ho Kreste.

KHOTSO EA BOHATA

Satane o tla u fa khotso ea bohata ka ho u bolella hore batho bohle ke bana ba Molimo 'me ba ea leholimong. Jesu o itse ho Bafarisi: "Lona le tsoa ho ntat'a lona, e leng diabolose, 'me le rata ho phetha litakatso tsa ntat'a lona." *Johanne 8:44.*

Johanne, moapostola o ngola tjena: "Ea etsang sebe ke oa Diabolose, hobane Diabolose esale a etsa sebe ho tloha tšimolohong. Empa e mong le e mong ea tsoetsoeng ke Molimo ha a etse sebe; hobane peo ea hae (Jesu le Lentsoe) e ka ho eena 'me a ke ke a etsa sebe hobane o tsoetsoe ke Molimo 'me ke hona moo ho bonahalang bao e leng bana ba Molimo le bao e leng bana ba Diabolose.

E mong le e mong ea sa etseng ho lokileng hase ngoana oa Molimo leha e le ea sa rateng ngoan'abo' *Johanne 3:8-10.*

Re ka fetoha bana ba Molimo feela ka ho tsoaloe la bobeli. Ba bangata ba mo amohelang o ba fa matla a ho ba bana ba Molimo esitana le ba lumelang lebitsong la hae, ba sa kang ba tsoaloe ka mali le ha e le ka nama leha e le ka thato ea motho empa ka thato ea Molimo. Ntle le hore motho a tsoaloe la bobeli a ke ke a bona 'Muso oa Molimo. Se tsoetsoeng ke nama ke nama, 'me le se tsoetsoeng ke moea ke moea. *Johanne 3:1-8.* Satane o u bolella hore ha ho na lihele ha ho na Molimo, ha ho na kahlolo ha ho na le tsoho ea bafu. Moea o Halalelang, moea oa 'nete, o u bonts'a libe tsa hau 'me o u bonts'a Jesu mojari oa sebe, Konyana ea Molimo e tlosang libe tsa lefats'e.

THABO EA BOHATA

Diabolose o leka ho u fa thabo ea bohata. O tla u fa litakatso tsa nama ea hau, tsena, leha ho le joalo, li ke ke tsa khotsofatsa lenyora la pelo ea hau, joala bo ke ke ba khotsofatsa lenyora la moea oa hau, e ka sitana e le banna kapa basali ba etsang tseo. Jesu o ile a re ho mosali selibeng sa Samaria: "U bile le banna ba bahlano 'me eo u nang le eena hase oa hau. Eaba Jesu o mo fa metsi a kholisang lenyora la hae. Jesu ke seliba sa bophelo. Haeba re noa metsi ao a re fang oona, metsi ao a tla lula ka ho rona e le metsi a seliba sa bophelo a mathelang bophelong bo sa feleng. Le se ke la thetsoa ke thabo ea lefeela ea Diabolose eo qetello ea eona e leng masoabi a sa feleng le lihele.



LESELI LA BOHATA

Diabolose o bonahala leseling la bohata. O rata a hlahe eka ke lengeloi la leseli. Pele ho ho oa ha hae e ne e le lengeloi le letle haholo empa ha e sa le a e oa ha a sa le joalo. O leka ho etsa hore sebe se hlahe se le setle se rateha e le hore se u leke 'me se u ts'oare. Empa leseli la hae ke leseli la bohata le khanyang bosiu feela. Ha Jesu, Letsatsi la ho Loka a bonahala, maseli ohle ao e leng a Diabolose a ea nyamela. Leseling la Molimo u ka bona hore ke bobbe bo tsabehang hakaakang ba hoo e leng khanya ea Satane.

TSELA EA BOHATA

Satane o leka ho u isa ka tsela e khopo. Tsela e 'ngoe feela e eang leholimong. Jesu o itse: "Ke 'na Tsela le 'Nete le bophelo." Satane o u bolella hore o na le tsela e ntle ka ho fetisisa le e sephara eo batho ba bangata ba tsamaeang ka eona, empa ha a bonts'e qetello ea tsela eo e leng e qetellang lihelong. "Mohlomong ho motho, tsela e 'ngoe e bonahala e ka e lokile athe ho fella ha eona ke ho isang lefung. Tsela ea leoatla e lokile mahlong a lona." *Liproverbia 12:15* le *28*. Tsela ea ho loka ke bophelo.



The popular "Heart Book" with its soul-saving message is obtainable in over 500 languages. Many have found salvation even just by looking at the pictures.

Kindly write to us if you are able to assist us with further translations of our free Gospel literature, informing us of the language into which you could translate this Gospel literature. Your assistance would be appreciated.

If you have found salvation in Christ, or have been otherwise blessed through our Gospel literature, please let us know. We would like to thank God with you, and remember you further in our prayers.

For **free** Gospel literature, books and tracts in over 540 languages, write to:

EMAIL: info@angp.co.za

ALL NATIONS GOSPEL PUBLISHERS
P.O. Box 2191, PRETORIA, 0001, R.S.A.

(A Gospel Literature Mission financed by donations)

(Reg. No. 1961/001798/08)

MARUO A BOHATA

Maruo ao Satane a ka fanang ka oona ke a bohata. Monna oa morui o ile a thetsoa ke oona, hobane e ile ea re ha a e-shoa a theohela lihelong. Judase ka tsela e ts'oanang o ile a foufatsoa ke lichelete tse 30 tsa silivera a lahlehela ke Jesu. 'me ka ho lahlehela ke eena hape a lahlehela ke bophelo bo sa feleng, hape ke maruo a sa feleng, khotso e sa feleng, thabo e sa feleng. O ile a phahama empa a lahlehela ke setulo sa hae se phahameng. Satane o tla u fa lejoe sebakeng sa bohobe, a u fe phepheng sebakeng sa lehe, 'me a u fe noha sebakeng sa hlapi. Ho Jesu re na le maruo a sa feleng a ke keng a re lahlehela.

Li ngata tse ka boleloang empa tsena li sa lekane ho u laea hore u latele Molisa oa 'Nete ea tetseng bophelo ba Hae sebakeng sa hau. Latela leseli la 'nete e leng Jesu. Amohela moea oa 'nete Moea o Halalelang. U be lekala la 'nete la morara. Mamela Jesu, moprofeta oa 'nete e seng baprofeta ba Diabolose. Khutla melimongea hau ea litsoantso (Melimo ea bohata) u sebeletse Molimo oa 'nete.

E ba morapeli oa 'nete u khumamele Molimo ka moea le ka 'nete. Jesu ke bohobe ba 'nete bo khotsofatsang 'me bo tlisang bophelo ba 'nete.

Le se ke la thetsoa, Molimo ha o sonngoe, seo motho a se jalang o tla se kotula le hona.

U se ke ua lumella Diabolose ho u thetsoa hape, empa u latele Jesu ea itseng, "Ke 'na Tsela le 'Nete le Bophelo."

